

Swift
CANNED MEAT SPECIALTIES
Agente: **WIMCO**

ARUBA ANSE COURANT



Diario pa



Aruba



NO WILL FOR COOLNESS AIRCONDITIONING
Tel. 2176
ELMAR

Anjo 24

DIARAZON 4 DI SEPTEMBER 1963

No. 4733

TRES MIEMBRO DI I.O.W.U.A. A LAMTA CASO CONTRA UNION

ORANJESTAD, 4 sept. — E caballeranan C.E. Bello, Vicente C. Figarosa y M. Lewis ayera via mr. H.C. Willemssen a lamta un caso civil contra di Independent Oil Workers Union of Aruba. Den esaki huez ta warde pidi pa de clara e eligimienta di e union ariba dia 26 di agosta ultimo como invalida y tambe e proponemienta di candidata promer cu esey.

Den e peticion di e tres caballeranan nan ta hala atencion di huez ariba e echo, cu e directiva di I.O.W.U.A. promer cu e decision di huez den e caso a worde anuncia a participa via prensa ariba dia 24, cu apesar di kiko cu huez dicitu e eleccion lo tuma lugar toh ariba dia 26, ariba base di e proponemiento di candidato ariba dia 11 di agosto. E echo, cu huez den kort geding ariba dia 24 a duna como su opinion por lo tanto, cu e proponemiento di candidato a tuma lugar gracias na e accionnan contra di statutan y reglamentonan interno di e bond, ni

esey por a kita e directiva di realista e plan pa tene eleccion. Esaki segun ta worde declara. Segun opinion di e tres exhidornan e union mester a muestra mas respet pa e decision di huez y mester a tene cuenta cu esaki. E echo cu a tene e eleccion toh ariba dia 26 a nifica cu nan no a haci caso di e decision di huez.

Segun e tres miembronan di union ta nan interes, cu huez dicitu cu e de-rechonan di miembronan di union worde manteni strictamente y cu duran-te e deliberacionnan pa un contract nobo colectivo di trabao nan worde representa door di un directiva legal.

Pero tocante di e legalidad di e directiva actual tin algun duda, mescos cu por a worde constata for di e reaccionnan di Lago. Alavez e tres caballeranan ta hala atencion ariba e echo, cu na e momento e directiva di e union diariamente ta haci cosnan, di cual e directiva, eligi ilegalmente, segun e exhidornan, no tin autoridad. Asina aki tambe e interesnan di e miembronan, segun nan opinion, ta worde perhudica.



Promer celebracion independencia Trinidad & Tobago

SAN NICOLAS, 4 sept. — Diasabra aochi a tuma lugar den e antes edificio di P.W.F.A. na San Nicolas e celebracion di e promer anja di independencia di Trinidad y Tobago. Tabatin cantamentu di canticanan folklorico, speech y baltamento. E interes pa e evenemiento aki tabata grandi, si nos considera cu chiquito e cantidad di e habitantenan di e islanan aki ta alinda na Aruba. E festamento tabata den un bon esfera.

Despues e a ochi cu a worde organisa pa senyor V. Hickinson a worde habri cu un oracion door di ds. Jennings Martin y e himnonan nacional di Trinidad-Tobago y Antillas a worde scucha, tabatin un fila chiquito di oradornan, kendenan tabatin palabranan bon esochi pa conmemora e aniversario aki. E promer di nan tabata ds. Cooper di iglesia Anglicano, kende entre otro a muestra con Inglaterra despues di a dekolonialisa, semper a laga algo di gran balor atras den loke tabata antes su teritorio; esta respet pa e custumbenan

parlamentario y democracia. Segun orador, Trinidad y Tobago ta un bon ejemplo di esaki. Senyor Hickinson a conmemora den su speech e reciente bishita di dr. Eric Williams, e promer di Trinidad y Tobago y e problema di de-rechonan di Antillanan na Venezuela, cual ta un problema pa Trinidad y Tobago y tambe Antillas. E plan pa cooperacion entre e dos teritorionan aki den Caribe, senyor Hickinson a yama algo eloquente. Despues ora cu e huez-prednante tambe a duna oportunidad di bisa algo tabata senyor N. Piña, kende a dirigí palabranan na number di gobierno. El a basa su speech especialmente ariba e cooperacion den e teritorio di Caribe ariba tereno di economia, cultura y social.

Despues cu un toast a worde bebi ariba e Reimanan di Inglaterra y Reinado Hulandes, e orkesta a tuma lugar ariba podium. Te den e oranan di marduga, e promer aniversario di independencia di Trinidad & Tobago a worde fiesta.

PROMER GRUPO DI "FEDDERS" TA YEGA DIA 11

PALM BEACH, 4 Sept. — Cumzamento di e anja aki, nos a anuncia cu entre luna di september y december 2.500 te 3.000 persona lo bin cu vacacion na Aruba. Esakinan ta miembronan di e organizacion di fabricacion di Fedders (aireco etc.) na Estados Unidos, kendenan a worde ofresi un biaha pa Aruba. E promer grupo ta worde spera ariba dia 11 di e luna aki. Nan tur lo biaha cu Trans Caribbean Airways y lo keda dos anochi y tres dia na Aruba Caribbean Hotel-Casino. Diarazon dia 11, e promer grupo di ochenta lo yega Aruba, sigui diahuebs pa otro ochenta. Diabierna e promer grupo di ochenta ta bai atrobe, mientras cu otro ochenta ta yega y asina esaki ta continua e otro dianan, te ora cu 2.500 te tres mil a bishita Aruba.

ESTUDIO DI CURSO PA BOTECARIO NA SURNAM

ORANJESTAD, 4 Sept. — Drs. M. A. Robles, quimico na Landslaboratorium na Corsow, lo bai orienta su mes na Surinam ariba e tereno di curso pa botecario. Esaki e ta haci ariba encargo di ministro di Sanidad Publico.

e the-dansant posibel. Na promer lugar el a gradici directiva di hotel y despues e finman Spritzer & Fuhrmann, Kan. Berlinski, Aruba Peasant Shop, La Moderna, No. 1 y Publicaciones Capriles na Caracas, cu a duna tur e regalacion na worde rifa durante di e atardi cu e meser a sirbi como doozkeeper. E firma di Caracas cual ta worde representa na Aruba pa Union Store, a duna pe un abonemiento gratis un anja largo, ariba e edicion "Elite".

E programa di e show tabata bon y varia. E diferente manequin a show e bistrinan ariba un podium bon regla. Y Padu del Caribe a per-cura pa e musica acompanyante. Do-biaha e show a worde interumpi na-situacion di e tenor Arubano. Rufe Odor, kende a canta entre otro "Perfidia" y "Despedida". E show me-tabata consisti di dos parti: bistr di-mucha, cual a worde muestra duran-te un fiesta di cumpleaños y e bistr di damanan hoben, cual tambe a worde muestra na un manera origi-nal. E hunta peñadonan cu e publi-co a hanta pa mira, tabata mes a-tractiva cu e manequin. E chikito-nan tabata Celina y Tasha Fowler, Rino y Jina Kuileri, Djamilia Odu-ber, Farida Muvale, Roy y Aleen La-cle y Dorothy Sibul. E diez-un mane-qui grandi tabata e damanan, Car-men Herrera, Reina Hernandez, Cla-rita Britten, Helen Leiquez, Altagra-cia Bulos, Ella Yarzagaray, Yvonne Kroonenberg, Theresa Laele, Celie Nigtevaal, Yolanda Croes y Gladys Hermelijn.

FATUM — Tel: 1845
pa tur bo aseguranon

E comite di daman cu a organiza e show tabata consisti di e damanan Walenzao, De Veer, De Vries, E-man, Profet, Paredes y Suriel. Na e show tabata presente e consul Ve-nezolano y tambe e president di So-ciedad Bolivariana.

PROMER 29 HOBEN ARUBIANO DEN SERVICIO MILITAR

ORANJESTAD, 4 sept. — Dialuna e promer grupo destina pa servicio mi-litar obligatorio a sali for di Aruba pa Corsow, pa sirbi 12 luna como mi-litarnan den servicio obligatorio na Ma-rinierskazerne di Suffisant. E 29 ta per-tenece na e promer grupo di e ho-bennan cu a nace na anja 1944 y cu a worde yama pa servicio, cual ta con-sisti di 100 homber y cu lo forma parti di Koninklijke Marine, staciona sercu cuerpo di marina. E di dos grupo di cien, entre cual 28 di Aruba, lo drenta servicio dia dos di Maart 1964. Ora cu e grupo a sali dialuna merdia banda di l'or cu aeroplano pa Corsow, no ta-batin nengun interes for di banda di Marinierskazerne na Aruba, tambe for di banda di gobierno. Unicamente ta-bata presente senyor B. Roeloffs Valk, un ambtenaar di bestuurskantoor, pa controla si tur e 29 hobennan a obe-

di 100 homber y cu lo forma parti di Koninklijke Marine, staciona sercu cuerpo di marina. E di dos grupo di cien, entre cual 28 di Aruba, lo drenta servicio dia dos di Maart 1964. Ora cu e grupo a sali dialuna merdia banda di l'or cu aeroplano pa Corsow, no ta-batin nengun interes for di banda di Marinierskazerne na Aruba, tambe for di banda di gobierno. Unicamente ta-bata presente senyor B. Roeloffs Valk, un ambtenaar di bestuurskantoor, pa controla si tur e 29 hobennan a obe-

OEHLERS Y DE JONG A BOLBE FOR REUNION DI GABINETE

ORANJESTAD, 4 Sept. — E sen-jornan Erwin Oehlers y Kees de Jong, kendenan e ultimo weekend a asisti como representantenan di Lions Club di Aruba, na e reunion di gabinete di e gobernador nobo, entretanto a bolbe Aruba. Durante e reunion aki cu e gobernador di Lions dr. Haimé Tovar, un cantidad di ar-suntionan di rutina a worde trata. Alavez a worde dicitu pa tene e si-guiente reunion di gabinete na luna di november na San Cristobal. E go-bernador lo bishita e club di Aruba na luna di october venidero.

EXPOSICION DI ESCULTURA DEN PALO NA Y.M.C.A.

SAN NICOLAS, 4 Sept. — Dia-huebs venidero lo worde organiza den e edificio di Y.M.C.A. na San Nicolas un exposicion di escultura den palo. Lo worde muestra obran-an di 20 alumno di e klas di escultura den palo di senyor Brenna Hope. E klas aki ta un parti tambe di e pro-grama di Y.M.C.A. E exposicion ta tuma lugar diahuebs di 5'or te 8'or y mei n.m. y diabierna di 5'or te 7'or n.m.

dece e yamada pa dreuta servicio mi-litar.

E promer Arubiano, kendenan lo bisti e uniform di marinier ta: Cajetano Zievinger, Juan Koolman, Edgar Beau-mont, Francis Kelly (guitarista di Los Casinos), Alfredo Bryson, Jose Hodge, Nicolaas Loopstrop, Franklin Maduro, Carlos Thiel, Benito Werleman, An-dres Giel, Ruben Bokhoudt, Joseph Wouters, Thomas Bickert, Kelly Le-juez, Adre Curiet, Felis Maduro, Luis Triomp, Simon Jansen, Osbaldo Croes, William Franken, Cesar Stede, Al-fonso Werleman, Marco Orman, Chir-bil Jackson, Candido Besril, Ber-tur Bongers, Teodor Leon y Win-dred Snijders.

E comitente di e hobennan ariba e situacion den cual nan a hantama ta-bata varia mesha. Diferente tabata di opinion cu lo cu den un aventura grandi y tabata sinti nan mes satisfe-cho cu esaki; otroan tabata haya es-aki algo teribel, mientas tabatin cu no ta portanan e situacion muelho.

7.000 PERSONA A BISHITA FERIA CACIQUE

CANACURI, 4 Sept. — E week-end cu a pasa tabata e ultimo cu fe-ria "Cacique" su pashanan tabata habri pa e publico di Aruba. E feria aki cu a tuma lugar 10 dia, tabatin durante e ultimo weekend un atrac-cion especial den forma di e cantante Venezolano Felipe Pirela. Su actu-elon cu conjunto Nueva Sensacion y tambe esun di Mariachi Aruba a cai na masia agrado di e publico. Tambe a actua hunto cu senyor Pi-rela, Padu del Caribe. Segun nos a worde informa e comite cu a orga-niza e feria aki na club Caribe ta satisfecho cu e resultado y e apoyo di e publico di Aruba. En total a bi-shita feria "Cacique" 7.000 persona cu a percursa pa un entrada bruto di 30.000 florin.

E doozprisenan di weekend cu a nasa ainda no a worde busca. E num-bernan ganador ta di diasabra 262 y 5254 respectivamente. Leria di he-mde grandi v di mucha. Y di dia-do-mingo tabata number 1063 y 5667 respectivamente.

Cumpra un auto nobo di cualquier marca of modelu sin mas, y bo tin chens pa gana un OPEL KADET nobo comple-tamente gratis. Pa mas informacion **ARUBA TRADING COMPANY**

OFICINA DI CULTURA Y ENSEYANZA A CUMINSA

ORANJESTAD, 4 Sept. — E re-cien estableci Oficina di Cultura y Enseyanza cu senyor Hubert Boof co-mo hefe a cuminsa su trabao. E ser-vicio aki a worde poni den School-straat. Na e momento ainda senyor Boof ta preparando su plan di cam-paña. Pero ya e por a participa, cu en general e ta mira e trabao di su oficina pa coordina y stimula co-operacion pafo di school ariba tereno cultural y di enseyanza.



Damanan Sociedad Bolivariana a presenta bunita show di moda

PALM BEACH, 4 sept. — Mas cu 200 persona a goza diadomingo merdia den Klompen Klub di Aruba Caribbean Hotel-Casino di e show di moda, cual a worde organisa door di e departa-mento di daman di Sociedad Bolivariana. Esaki a bira un show formidable, gracias tambe na e maestra di se-remonia, senjora Brunilda Vi-cioso, e bistrinan di La Lin-

da cu a worde muestra y e peñadonan di Maggy's Beauty Salon.

E show cu tabata forma un parti di un The-dansant, di cual e re-sultado tabata pa e caha caritativo di e club di damanan, a worde habri pa presidenta, senjora A.G. Walenzao, kende cu algun palabranan a masha loke ta e trabao caritativo cu su club ta haci, di cual hopi gobiernan ta probecha. El a gradici esunnan cu door di un yudanza continuo la per-cura cu e trabao por sigui, tambe na esunnan cu door di nan apoyo a haci

NOTICIA DI POLIS

ORANJESTAD, 4 Sept. — Diadomingo marduga banda di 12'or y mei, asistencia di polis a wordé pidi na Brazil. A resultá cu un caballero C. a wordé maltrata door di un tal S. kende no tabata presen e mas, ora cu patruilla a yega. E caballero C. a hantá un wowo tapa pa golpi y un corta ariba su wowo. Despues di a hantá tratamiento pa dokter e por a bai cas. E caso ta wordé investiga.

Hinkamento cu cuchu

Diasabra anochi 6'or y mei asistencia di polis a wordé pidi na un bar na San Nicolas caminda a resultá cu un caballero a wordé hinka cu cuchu. Probablemente e caballero L. a wordé hinka cu cuchu pa e conocido G.B. E victima mester a wordé transporta cu ambulans na hospital. Mas o menos mei ora despues polis a de e G.B. kende tabata hoo di influencia di alcohol. El a wordé encarcela mientras e caso ta wordé investiga.

Hortamento den rumshop

Diasabra anochi 6'or y mei asistencia di polis a wordé pidi na un rumshop den un rumshop na Essoville. Segun investigación e ladron di ladronnan a drenta e rumshop door di kibra un bentana. Un suma di placa a wordé hiba.

Gang contra dos

Diadomingo marduga, algun minut despues di 12'or asistencia di polis a wordé pidi na un bingamen-to den B. v.d. Veenzenneveldstraat. A resultá cu dos marinero a wordé golpi pa como 10 hoben. E marinero nan M.A. y H.M. a hantá heridnan basta serio. E promer mención a hantá un lip kibra y un danti herida, mientras cu H.M. su cachete a wordé kibra. Ultimo mester a wordé tuma pa observacion den hospital.

Bombardeo di piedra

Diadomingo marduga mas o menos tres'or, un tal A. a bin na warda di polis y a pidi un defensa contra di e "bombardeo aereo" cu piedra, cual un rato promer a caba di tuma lugar. Segun su declaracion ora cu el a sali for di su cas, el a hantá un di e proyectilnan aki contra di su cabez. E atakantenan ta desconoci.

Tiramento di botter

Dia promer di september pa tres'or di marduga un tal G. a drenta warda di polis na San Nicolas cu un herida chikito ariba su wowo. Segun su declaracion un persona desconoci a tiré cu un botter bashi den Helfrichstraat.

Yiu a bombardia cas

Dialuna anochi 9'or y mei, un caballero a bin warda di polis na Oranjestad, caminda el a pidi asistencia pa su yiu homber, kende segun declaracion di e tata a bombardia cu

piedra. Patrouilla a bai na e cas di e caballero, pero e senjora a declara cu tuda no a sosode y cu e hoben no tabata na cas. E homber a declara e ora cu su familia ta contra di die y cu e mes lo tuma e medida necesario.

Hortamento

Dialuna marduga banda di un cuarto pasa di ochu, un representante di un firma a bin duna cuenta di hortamento di dos hoo electrico for di den un cuarto di construcion. E caso ta wordé investiga.

Maltrato

Banda di 11'or dialuna mainta, un dama a bin duna cuenta na oficina di recherche, cu el a wordé maltrata na e caballero R. Segun su declaracion e caballero a dale a bini moka ariba cachete y brazos. Mientras cu su rumao muher tambe a ricibi algun golpi den cara. Alavez segun e dama un homber tambe a wordé maltrata na e caballero R. E caso ta wordé investiga pa recherche.

Accidente di trafico

Un cuarto pa 11 dialuna mainta, a tuma lugar ariba e caminda di Oranjestad, pa Santa Cruz un choke entre e auto A809 mancha na N.V. y e auto A2930 mancha na G.N. Dando material na e caminda pa total 275 florin.

Choke

Dialuna banda di 12'or di merdia, a tuma lugar ariba e caminda di Oranjestad, pa Santa Cruz un choke entre e auto A809 mancha na N.V. y e auto A2930 mancha na G.N. Dando material na e caminda pa total 275 florin.

Otro Choke


Mas o menos tres ora despues di e choke cu a tuma lugar ariba e caminda di Santa Cruz pa Oranjestad, polis mester a duna asistencia na un otro choke, cual e bishita aki a tuma lugar den Steenweg. Tabata entre e autonan A6688 y A3680, mancha respectivamente pa N.F. y A.B. Dando material na e autonan ta total 300 florin.

MUTACION POLIS NA ARUBA

ORANJESTAD, 4 Sept. — Entrante dia promer di juli 1963 a keda nombra como inspector di polis promer klas, senjor H. J. Visser y W. J. Dennissen kendenan anteriormente tabata sub-inspector di polis na Oranjestad. Senjor L.A. Franka antes hoofdagent a keda nombra entrante dia 16 di agosto como sub-inspector di polis na Oranjestad.

CURSO EXAMEN PA ASPIRANT AGENT DI POLIS

ORANJESTAD, 4 Sept. — Anteriormente e hoben cu tabata interesa pa bira polis mester a pasa un examen di cual e no tabatin ningun idea con esaki lo ta. Cu e resultado cu hopi hoben a calcula tal examen di menos importancia cu en realidad e ta y asina a haci e examen malo, cu e resultado di a perde e oportunidad di bira polis. Awor esaki no tin mester di sosode mas. Desde algun dia "Cursus Succes" situa den Nieuwstraat na Oranjestad, ta duna e oportunidad pa tuma un curso di preparamento pa e examen di aspirant-agent di polis. E curso aki ta wordé duna door di maestronan di MUJO cu experiencia.



Cu yudanza di un tanki bieuw di guerra e tereno di studionan di Hal Roach na San Francisco ta wordé kibra. Aki nan a jega di traha hopi pelicula di Laurel y Hardy. Riba e portret nos ta mira e momento cu un decor bieuw di un pelicula ta cai den otro.

Malakka ta protesta contra decision di Inglaterra

KUALA LOEMPER, 4 sept. — Malakka a participa di un manera sorprendente, cu e ta tuma pasonan fuerte serea Inglaterra contra ortogacion di independencia na Singapore. Den un comunicado, cu a wordé edita despues di un sesion urgente di e gabinete, ta wordé bisa, cu ortogacion di independencia na Singapore no ta legal ni constitucional.

Tambe Malakka ta pidi aclaracion di ortogacion di auto-determinacion na Noord Borneo y Serawak. E gabinete di Malakka ta puntra di con Inglaterra a hantá e accion ey, cu ta contra federacion di Malesia, necesario disenter dia prome cu e federacion di Malesia a bira un hecho.

Diasabra Noord Borneo Ingles y Serawak a hantá auto-determinacion y Singapore, cu ya tabatin esey, a tuma su defensa y asintunan di exterior riba su

E DELITONAN ENTRE MERCA Y PORTUGAL

LISABON, 4 sept. — Mi deliberacion cu premier Salazar tabata Franco y amistoso. Asia e segundo minister pa asintunan di exterior, George Ball, a declara na Lisabon prome cu su salida pa Paris. Ball ta spera di por continu cu e deliberacion dentro di un siman.

El a papia cu premier Salazar y e minister Portugues di exterior tocante asintunan cu ta di importancia pa Portugal y Merca.

Ta wordé accepta cu nan a delibera tocante renobacion di e acuerdo di huur entre Merca y Portugal en ta relaciona cu e base aerea Mericano riba Azoren. Tambe a wordé papia tocante a actitud di Merca den Nacionnan Uni contra e politica colonial di Portugal.

mes cuenta, mientras cu antes Inglaterra tabata atende eseyan.

Pero Inglaterra no a protesta. E federacion Malesia lo keda establece dia 16 di e luna aki.

E mision di Nacionnan Uni na Noord Borneo (Sabah) a termina cu su trabao senchando declaracionnan den 15 lugar. Den tur e lugarnan aki tabatin demostracionnan. E grupo di Nacionnan Uni a bolbe pa e capital di Noord Borneo, Jesselton.

Dos observadornan di Indonesia y dos Filipinas a asisti solamente na e ultimo reunion, na Sandakan.

Nan a tende eyan 18 representante di e federacion di Sabah expresa nan mes na labor di e federacion Malesia. Ta wordé calcula cu algun reunion mas lo wordé tene pa duna e observadornan un oportunidad pa mira con eseyan ta wordé dirigi.

Na Sandakan tiendan a wordé serra y trafico publico tabata paralisado como protesta contra presencia di e observadornan. Chofeurnan di taxi a ninga di transporta e observadornan.

TRANSACCION DI ORO ENTRE URUGUAY Y CANADA

MONTEVIDEO, 4 Sept. — E departamento di emision di e banco central di Uruguay a duna su aprobacion pa un cambio di 69 ton placa di oro di Uruguay contra un peso igual na barra di oro cu banco Canadiense di Nova Scotia. Probablemente e consejo di banco central di Uruguay lo ratifica un acuerdo e siman aki.

Segun ta wordé calcula e transaccion lo duna Uruguay un ganashi di 15 milion dollar.

YABI

pa bo éxito

Avisa den
ARUBAANSE
COURANT
y compara e
resultado

Bo ta bai traha cas of drecho bo cas? Y bo ta exihi material di calidad, na prijsnan sin competencia? Anto naturalmente bo adres ta

ANTILLIAN MERCANTILE CORP. N.V.
Oranjestad tel. 1145 — San Nicolas tel. 5635

FOR SALE

DESOTO 1958

Bargain FI. 1750,— Cash

New upholstery + radio.

Call: EDDY No. 3225 or
Aruba Water Sports No. 2250

ARUBAANSE VERENIGING VOOR HANDEL EN INDUSTRIE

Aanvang der lessen voor

BOEKHOUDEN I

Woensdag 11 september 6.30 uur — Opleidingsduur 20 weken

en

BOEKHOUDEN II

Donderdag 12 september 6.30 uur — Opleidingsduur 25 weken.

De lessen zullen worden gegeven in het Dominicuscollege.

Aanmelden en inschrijvingen:

C. v.d. KOPPEL — J.G. Emanstraat 79 - Tel. 2496

en bij de aanvang van de 1e les in het Dominicuscollege

a cabo di jega:

SAPATO

PA MUCHA

marca **DINGO**

conoci pa nan calidad, puro cuero, comodo, y duradero, obtenible unicamente na:

La Linda

ESPIRITISMO

Consulte su problema por mas dificil que sea a la **Sra. CIRCE DE ZUES.** Envie su nombre y direccion, la fecha de nacimiento y el nombre de un familiar o amigo ya fallecido a esta direccion:

APDO. No. 720, QUITO-ECUADOR.

GEZOCHT

Kleine of Grote
MAGAZIJN

Voor aanb.: Tel. 1235.

Merca ta suspende fianza na Pakistan

WASHINGTON, 4 sept. — Merca a suspende pa tempo ilimita e firmamento di e acuerdo cu Pakistan na un préstamo na beneficio di trabaoonan di construcion na aeropuerto di Dacca, Asia. E decision Mericano ta sigui despues cu Pakistan y China comunista a firma un acuerdo di aviacion.

Pero e portavoz a nenga, cu e suspension di e fianza di Merca tin algu di haci cu e acuerdo entre Pakistan y China.

Tan leu cu e sa Merca no a duna Pakistan un motibu pa e suspensio.

Den un comentario riba e acuerdo entre Pakistan y hina comunista el a recorda na un declaracion di e ministerio di exterior di cinco d' juli. Den e declaracion ey e acuerdo a wordé yama un violacion infeliz di solidaridad den mundu liber en relacion cu trafico aerea cu China comunista.

PARATYFUS NA ZEEUWS VLAANDEREN

DEN HAAG, 4 Sept. — Na Hulst y becindario tabatin algun caso di paratyfus luna pasa. Den un cas pa hendenan bieu na Hulst tabatin she- te caso di paratyfus y den becindario tabatin 22 otro caso. Con e enfermedad a cuminsa no ta conoci, pero ya tur patiente a cura.

Hulanda no ta participa den potencia nuclear ainda

DEN HAAG, 4 Sept. — Un portavoz di e ministerio Hulandes di exterior a participa, cu Hulanda tocan- te participacion of no na un eventual potencia nuclear multilateral, posiblemente poco mas despues, ainda no a tuma un decision.

Hulanda ta sigui e desarrollo di e asunto cu interes. Basta temu ca- ha tin consulta regular di aliadonan tocante e asunto aki. Hulanda ta keda na altura di tur desarollonan, a- sina e portavoz a bisa.

MAS ROBO NA LONDEN

LONDEN, 4 Sept. — Awe mainta algun homber, cu a disfrazá nan cara, a asalta un truck di carga cu sigaria na un balar di mas di 250.000 florin di An'illas. E asalto a tuma lugar den e hario-Londinense Isleworth. E asaltantenan a dal e chofer y a mare.

Na west Drayton nan a laga e truck y e chofer. Un motociclista a hantá e chofer despues cu un herida na su cabez den e auto y a avisa polis.

MEDIDA CONTRA BROHERA SABI NA HULANDA

DEN HAAG, 4 Sept. — En conec- cion cu e hecho, cu gobierno di Hun- gria a declara Budapest territorio contagia pa brohera sabi, e minis- terio Hulandes di asintunan social y salubridad publica ta participa, cu for di ajera e stipulacionnan normal di douana y quarentena a drenta na vigor. Esey kier meen, cu viaheronan for di Budapest ta drenta Hulanda ta wordé controla y registra y cu viaheronan cu ta bai e ciudad ey ta wordé conseha pa tuma un inyeccion contra brohera sabi.



E boerderij caminda e asaltantenan di e robo di trein espectacular na Inglaterra a sconde algun dia, a wordé habri atrobe pa e donjonnan pa asina e publico por bishita e lugar contra pago naturalmente. Dos alumno Ingles ta- bata esnan prome cu a bishita e lugar.

CISCO KID presenta pa cortesia di

ARUBA BOTTLING COMPANY

NESBITT'S den varios sabor, e refresconan mas pidi y mas gusta na Aruba.

1. Ta dificil pa kere cu un homber ta duna armanan, pa ataca su mes hendenan! Pa placa. Baños ta capaz di haci tur cos.

2. Cualquier momento nan por ataca! Pone e muher- nan den e cas di blaki. No. No.

3. E muhernan, nos por cu- ra e heridonan... y si ta necesario nos lo bringa.

¡POR DINERO, BASTA! ¡CAPAZ DE TODO!

¡EN CUALQUIER MOMENTO PUEDEN ATACAR! ¡META A LAS MUJERES EN EL BLOQUE!

¡NO, NO!

¡LAS MUJERES PODEMOS CURAR A LOS HERIDOS! ¡Y SI ES PRECISO, PELEAREMOS!

¡QUESTA CREER QUE UN HOMBRE DE LAS ARMAS PUEDE ATACAR A SU PROPIA GENTE!

¡NO, NO!

¡LAS MUJERES PODEMOS CURAR A LOS HERIDOS! ¡Y SI ES PRECISO, PELEAREMOS!

EPITA pa cortesia di:

Antillian Hardware Co

1. Awor mi ta bai drumi Lorenzo. Bisi mi bon nochi cu un sunchi.

2. Lorenzo, bo no a tende loke cu mi a bisa bo?

3. Si... mi ta bai buskela awor aki mes.

4. Kiko bo tabata kier?

¡VOYA DORMIR VALORENZA! ¡DA ME EL BESO DE BUENAS NOCHES.

¡LORENZO! ¡NO OISTE LO QUE TE DIJE!

¡... TE LO VOY A CONSEGUIR AHORA MISMO!

¡QUE DICES!

¡QUE ERA LO QUE QUERIAS?


¡VOYA DORMIR VALORENZA! ¡DA ME EL BESO DE BUENAS NOCHES.

¡LORENZO! ¡NO OISTE LO QUE TE DIJE!

¡... TE LO VOY A CONSEGUIR AHORA MISMO!

¡QUE DICES!

¡QUE ERA LO QUE QUERIAS?



Serca British Aircraft Works na Filin, nan a traha un modelo di e proyecto Ingles-Frances pa un avion "Concorde" supersónico cu lo por alcanza un velocidad di mas cu dos biaha esun di sonido. Aki riba nos ta mira e modelo den e fabrica na Inglaterra.

BRUHERA SABI NA BOEDAPEST

VIENA, 4 Sept. — Un tecnico di hini anja for di Viena, cu a sali di Budapest dijes prome cu un hotel den e ciudad ey a worde isola pasobra un empleado tabata sufi di bruhera sabi, a worde pone bato di quarantine den un hospital na Viena. Autoridadnan no a duna informacion tocante su estado.

Segun e ministerio Austriaco di asuntunan social autoridatnan di Hungria a declara henter Budapest como territorio contagia. Manera ya a word anuncia un di e hotelnan di mas grandi den e ciudad ey, hotel "Royal", ta isola pasobra un empleado tabatin simptomnan di bruhera sabi.

Den e hotel tabatin hopi huesped di exterior, cu no tin mag di bandona e edificio, corantnan di Austria ta di opinion cu e medidanan, cu a worde tuma pa evita cu e epidemia lo yega Austria, a worde tuma laat. Nan a declara cu den ultimo dianan miles di turistanan a drenta Austria for di Hungria.

E agencia Hungaro di prensa despues a desmenti noticia den prensa di occidente cu nan a desvela e casanan nobo di bruhera sabi na Budapest.

Mas di shete cien Huno a yega ahera tabata na caminda pa bishita anual di Leipzig a hanta e bus na regresa nan pais. Segun e agencia di prensa di Alemania Oost e regreso di e Hungaronan ta debi na casanan di bruhera sabi na Budapest.



Aki nos ta mira un escena di e Waterloo-spel cu si-man pasa a ser presenta na Nijmegen, Hulanda, y cu a termina den un fiasco grandi. E regisor a worde critica severamente pa motibu cu e no por a worde acerca tampoco pa e comité organisatorio.

Welga na Brasil ta paralisa exportacion di koffie

RIO DE JANEIRO, 4 sept. — E haaf grandi di koffie na Brasil, Santos, a cuminsa un welga door di cual mas di cien bapor no por a sigui nan viahe. E via ferrocarril di Santos pa Jundai ta paralisa y Gasolin y zeta no ta worde transporta.

E welga a worde proclama door di cuarenta federacion pa demonstra nan simpatia cu e personal di hospital cu ya ta bai cumpli un siman ta welga pa mihor sueldo.

Haaftan, servicionan publico y e eayanan den ciudad ta worde vigila pa soldanan. E minister pa seguridad publico di estado Sao Paulo, Lemos, a

E CONFLICTO ENTRE RUSIA Y CHINA

MOSCU, 4 Sept. — E corant popular di China awe a acusa Union Sovietica di ta hiba un campania di ofensa contra China comunista. E corant a expresa e aviso "Corda con Goebbels a yega na su fin". E corant a pone e aviso aki hunto cu un resumen di articulon anti-Chines cu recientemente a worde publica den e corant Sovietico "Pravda".

E corant Ruso aki a constata awe mania un acercamiento entre China comunista y Alemania West pa lora ta a atakenan riba e acuerdo nuclear.

Segun e corant canceller Adenauer a studia poesia Chines durante su vacation.

bisa di lo usa scopetnan automatico y tankinan si esey lo resulta necesario pa mantencion di orden.

Avera mas di cien arrestacion a worde haci, asina radio Sao Paulo a transmiti. Polis a hanja orden pa aresta lidernan di federacion.

Na Santos tramnan ta worde mancha pa miembronan di bombero, y polisnan ta traha masha duru. Schoolnan ta sera y sushi di cas no ta worde cohe.

E empresanan di gas, awa y luz y riel ta worde ocupa pa gruponan chiki di personal, cual ta worde admitti na e lidernan di e welga. Den e estado Sao Paulo trupan di estado ta den estado di alarma pa si en caso e welga expande.

DELIBERACION ENTRE MERCA Y PAKISTAN

RAWALPADI, 4 Sept. — E segundo minister Mericano pa asuntunan di exterior George Ball, kende ta haciendo un viahe na exterior como delegado especial di president Kennedy, a yega Pakistan awe. Ball kende lo delibera cu e president di Pakistan, a bisa den un declaracion corticu na su yegada na aeropuerto di e ciudad: "Merca tin un interes grandi pa independencia di Pakistan, cual su forza di bida e ta aprecia."

E lazonan di amistad y cooperacion, cu ta existi entre Merca y Pakistan, ta duna un nificacion especial na e deliberacionnan, cu mi lo hiba cu boso president. Asina Ball a bisa.

Francia ta considera medidanan pa stabilisa economia

PARIS, 4 sept. — Despues di e reunion di gabinete Frances awe, lo tin reunion interministerial pa papla tocante medidanan cu mester pone un fin na aumento di prijsnan na Francia. Asina fuertenan hon Informa ta bisa.

Aunke cu produccion den e diesdos lunanan te cu juli a sigui aumenta cu mas o menos seis por ciento, e aumentonan di sueldo tabata mas o menos mebe por ciento.

Segun noticianan di prensa Frances, no confirma, e medidanan cu ta worde considera actualmente ta di caracter financiero, fiscal y economico. Nan ta contene limitacionnan nobo riba venta na e cuota di algun articulo di uso. Ademas e medidanan ta contene un aumento di e fianza di estado — origi-

CROESJTSJEF SU BISHITA NA JUGOSLAVIA A TERMINA

BELGRADO, 4 sept. — E premier Ruso y prome secretario di e comité central di e partido comunista Ruso Sovietero, Nikita Chroesjtsjef, a sali ahera maluta, entre otro acompaña pa su esposa y yiu mui, cu avion for di Belgrado pa Moscú.

Chroesjtsjef cu a worde barca pa president Tito di Joegoslavia, y e mas altu lidernan di Joegoslavia, a cabu di haci un bishita di 14 dia na e pais di Tito.

Prome cu su salda Chroesjtsjef a inspecciona un guardia militar di honor. Ademas tabatin 21 tiro di saludo na honor di Chroesjtsjef e avion cu Chroesjtsjef ta bishita aden lo worde acompaña te na frontera di Joegoslavia pa avionnan cazador.

President Tito a tene un discurso di despedida, den cual el a declara entre otro: "Bo tabata un huesped masha queri pa nos, cu a papia masha amistoso cu nos. Nos por a combersa di un manera cu pa abo y pa nos tabata di gran balor."

Nada ta mas sigur cu un paz segura. Nos por a papia tocante pensamentu-

BISHITA ANTILLANO NA SURNAM

PARAMARIBO, 4 Sept. — Di 16 te binti di e luna aki cuater avion di e promer squadron di Zeemacht na Antillas Hulandes lo bishita Surinam. Avionnan lo yega na aeropuerto Zanderij dia 16 di september atardi mihor di cuater y nan lo sali dia binti mihor di un.

School na Alabama ta ninga orden di gobernador

TURKEGEE, 4 sept. — E directiva di e school publico na Turkegee antayera a dicidi pa ninga e orden di gobernador Wallace di Alabama, favorecedor di separacion rasial, pa tene school un siman mas serra. E school ta esun di prome den estado cu a dicidi di admitti alumnonan di color seur. Gobernador Wallace a prohibi e school di abri pa stroba admision di e alumnonan color seur.

E concierge di e school a bisa, cu segun ta worde calcula lesnan lo a cuminsa ahera. Segun opinion di e miembronan di e directiva di e school, cu al-kier otro acitudo lo causa, cu bini trupan federal den territorio di e school.

Diestres alumno color seur parece antayera tabata pa bai sigi curso na e school, mebe anja despues cu corte supremo di Merca a stipula, cu tur schoolnan mester ta abri pa muchanan blan-cu y color seur.

Gobernador Wallace a pretende, cu tabatin motibu pa teme acionan di violencia si e school a habri segun plan-nan.

E minister Mericano di husticia, Ro-

bert Kennedy a interrumpi un vacation corticu y a regresa Washington pa si en caso, gobierno federal worde invol-vi den e asunto.

Den e capital di Merca nan ta di opinion, cu gobierno federal lo inter-vini si lo mester bini un choque entre autoridatnan local y esnan di e estado Alabama.

Mas di dos cien militar di e estado militar a forma un cordon rond di e school riba orden di gobernador Walla-ce. Segun gobernador Wallace e di-rectiva di e school a laga e autoridat-nan federal intimide.

Den un otro ciudad di Alabama, Huntsville, e inauguracion di cuater school a worde suspende, di acuerdo cu deseo di Wallace, te diabierna awor, parce cu eynan tambe muchanan co-lor seur lo worde admitti.

E ultimo vuelo transatlantico cu motornan convencional ta worde hecuta dia 28 di september entre Lissabon y New York.

RECORD DEN VUELOAN TRANS ATLANTICO

SCHIPHOL, 4 Sept. — Poco po-co pero sigur e motornan comun (propeller) ta dispare for di den trafico aereo riba oceanonan pa laga luga na e motornan moderno jet. Dia 29 di e luna aki Panam a alcan-sa un jubileo den e punto di bista ey.

Riba e fecha ey e servicionan di otonio y verano ta cuminsa cu un total di 250 vuelo pa siman riba O-ceano Pacifico y Atlantico, sin un avion cu motornan convencional. Pa e periodo aki di anja, cu antes taba-ta worde califica como e temporada ketu, esaki ta un record nobo.

E ultimo vuelo transatlantico cu motornan convencional ta worde hecuta dia 28 di september entre Lissabon y New York.

sente na salida di Chroesjtsjef. E segundo secretario di e embahada di China comunista y un diplomatico Chines a bira nan lomba, ora cu e otro diplo-maticonan a rondona Chroesjtsjef pa tene su palabranan di despedida.

CAMBODJA NO TA FIRMA ACUERDO NUCLEAR

PARIS, 4 Sept. — Prins Noro-dom Sihanook, hefe di estado di Cambodja, a splica den un articulo di un revista semanal nacionalista paquico Cambodja no ta firma e ac-uerdo nuclear. Aunke cu Cambodja ta di acuerdo cu e tratado riba su mes, log e ta di opinion cu e ta sola-mente pa paisnan cu tin armanan nuclear y no pa otro paisnan. Prins Sihanook ta declara ademas, cu Cam-bodja pa lora ta e tratado nuclear, no ta completamen'e tranquil pa su futuro.

E proposicionnan Chines pa tene un conferencia mundial pa aboli y destrui armanan nuclear no ta con-tra di e tratado di Moscú, pero al contrario uil y quizas hasta un adic-ion necesaria riba e tratado, asina e hefe di estado di Cambodja a bisa.

E GUERRA DI GALINJA

WASHINGTON, 4 Sept. — Un portavoz di Christian Herter, e prin-cipal negociador di president Kenne-dy pa asuntunan comercial, a con-firma ajera, cu proclamacion di e derechonan di import pa represalia di Merca den e guerra di galinja cu e Comunidad Economico di Europa, ta worde spera te mas despues den e luna aki.

El a bisa, cu e reunionnan publi-co tocante abolicion di e concesion-nan di tarifa, cu e comision Merica-no pa informacion comercial ta tene, probablemente lo no termina prome cu 12 di september.

Ambienanman a declara ajera, cu Merca ta trata di evita un choque frontal cu EEG den e conflicto to-cante tarification pa ganado di pluma.

PRINSES ALEXANDRA A HANJA CONOCEMENTU

VENECIA, 4 Sept. — Prinses A-lexandra di Grecia, esposa di ex-Rey Pedro di Jugoslavia, a recobra su conocementu ajera nochi. E Prinses cu ta den un hospital na Venecia for di diadomingo anochi despues cu el a bebe un gran cantidad di pildora-nan di sonjo, a bisa cu e ta contentu cu e ta na bida. Asina un portavoz di e hospital a participa awe.

Segun e dokternan su estado ta mucho mas mihor awor. Ex-Rey Pe-dro y nan yiu homber Alexander a bishita e Prinses awe mainta den hos-pital.



Un misa bieuw den e ciudad Suissa Uster den e dianan aki a worde bula cu dynamiet pa traha lugar pa un misa nobo. Pa motibu cu nan a calcula e cantidad di dyna-miet malu ocho di e mironesnan a worde herida door di piedranan.

BO HOROSCOPO PERSONAL

ARIES 21 Maart — 20 April




Awe ta un dia su-mamente favorable pa bo cobra bo de-bentan y naga bo cuentanan. No con-fia muchu riba bo suerte.

TAURUS 21 April — 20 Mei



Laga otronan mustra bo un me-hor manera pa hanja cooperacion. No lo haci bon di sigui nan conseho.

GEMINI 21 Mei — 20 Juni



Bo famia y ami-gunan lo reuni nan forza pa juda bo bas a bo pidi nan ayudo. Bo por han-ja un bon resulta-do di un asunto.

CANCER 21 Juni — 22 Juli




Awe influencia-nan di planeta ta favorable y har-monico. Anochi ta masha adecuado pa mas contacto cu sernan queri.

LEO 23 Juli — 22 Augustus




Controla si bo salud y plannan ta marcha bon. Tra-baonan na cas y na oficina ta existi hopi atencion, pe-ro nan ta agrada-bel.

VIRGO 23 Augustus — 22 September



Awe lo bo viaha hopi den bo becino-dario. Paga tino cu loke bo ta come y no fia placa. Bus-ca contacto social.

LIBRA 23 September — 22 Oktober



No conta bo se-cretonan importan-te na personanan awe. Bo lo tin exi-to awe den asun-tonan di negoshi y compras.

SCORPIO 23 Oktober — 22 November



Bo lo por logra hopi cu ayudo di amigu y conocin-rian. Awe por ta un dia importante pa asuntunan di negoshi y trabao.

SAGITARIUS 23 November — 21 December



Un dia favorable pa trabao importan-te y investiga-cionnan. Studia maneranan pa so-lucionna problema-nan, vence obsta-culonan.

CAPRICORNIUS 22 December — 19 Januari



Awe ta un dia cu bo por spera mas di bida social cu custumber. Bo por hanja amigonan nobo, busca con-tacto cu gruponan.

ACUARIUS 20 Januari — 18 Februari



Awe ta mustra un dia favorable pa asuntunan di trabao. Bo popu-laridad lo aumen-ta anochi pero te-ne un vista riba bo finanzas.

PISCES 19 Februari — 20 Maart



Awor bo lo han-ja un mehor opi-nion oante futu-ro. No confia mu-chu riba otronan awe, pero actua bo mes mehor.

ADENAUER LO BISHITA PARIS

PARIS, 4 Sept. — Cancellier Ade-nauer di Alemania West lo bishita Paris dia 20 y 21 di e luna aki, asina ta worde informa di fuente fidedig-na.

Ta trata di un bishita di despedi-da prome cu e entrega e encargo di cancellier na su sucesor, Erhard.

Dia 17 di e luna aki, Adenauer, kende actualmente ta cu vacation na Cadenabbia, lo worde ricibi pa Pa-pa Pablo.

BUCHI ROBEZ

presenta pa cortesia di: REFRESQUERIA INGRID TEL. 1849

★ e mehor adres pa snacks, tur clase di dushi, softdrinks, ice-cream y revistas

